



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Aduersus dissolutam animi lætitiã, omnemq[ue] inordinatã tristitiã,  
pro vera abnegatione, suiq[ue] plena resignatione, Precatio III.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

Hei bone Iesu, quam ineffabili & incomprehensibili pressura, & angustia, & anxietate amorosum cor tuum æstnabat, torquebatur, & nimis cohorruc: cum hinc ardore æstuantissimæ charitatis impelleretur, gestiens ad redemptionem animarum se totum impendere, illinc verò terribilium poenarum, quas præuidebat imminere, concuteretur immanitate, profundissimoq; pauore, fieretq; in te amoris pariter ac timoris vsque ad extrema compugnantium agon, quo piissimum cor tuum aded angustiaratur, vt ex toto corpore membrisque singulis sudor emanaret sanguineus; & tantus quidem, qui non vestes modo, verum etiam terram (aded largiter pro nobis profluens) cui facie incubabas, humectaret.

Luc. 12.

Mar. 14.  
Matt. 26.  
Ioan. 14.

Matt. 26.

Ioan. 18.

Mat. 26.

Mar. 14.

In hac pressura pie Iesu, maiestas tua se aded humiliavit, vt Angeli quoq; consolationem, (qualemcumq; tum suo poterat domino seruus afferre) non respueres. Aded tua se resignavit humanitas, vt à Patris voluntate nunquam declinares, aded suorū curam tua habuit charitas, vt quasi tui oblitus, ab oratione surgeres, ac discipulorū tristitiam tuæ anteferres. Ad eos itaq; veniens: *Surgite*, inquis, *appropinquat hora*, & *qui me tradet, propè est*. Deinde hostibus tuis sæuientibus, & fustibus & gladijs te quærentibus, velut prædam innocentissimam te vltro obuium obtulisti, ipsiq; furiosis inimicis tuis verbi tui virtute prostratis, surgendi, atq; tui capiendi copiam tribuisti, proditorem tuum dulci osculo & benigno verbo ad poenitentiam, & suam salutem inuitasti. Malchum truculentum hostem restituta sanitatis beneficio dotasti. Adoro igitur laudo & benedico te clementissime Iesu, pro hac tua tristitia, pro pauore, pro angustia, cordisq; pressura, pro cunctis gemitibus tuis miserabilibus, pro altis suspirijs, pro singulis & lachrymarum & sanguinei sudoris guttis: sed etiam gratias ago tibi pro humilitate, pro mansuetudine, pro charitate, & pro cæteris omnibus virtutibus, quas nobis imitandas in exemplum præstitisti & præmōstrasti, inter truculentos hostium aspectus, inter ipsorum conuitia & impropria, inter dura verba & durissima tormenta, quando insulta & horrendo clamore inuadebaris, capiebaris, prosternebaris, ligabaris, feriebaris, calcabaris, iugulabaris, traheris & trudebaris. Et sic varijs atq; innumeris cum blasphemiarum, tum poenarum generibus agnus mitissimus à lupis dilaniabaris, atq; vsque ad Annæ pontificis domum propellebaris. Vbi ad interrogata tam prudenter, quam humiliter respondens, à vilissimo es seruo & obiurgatus, & alapa violenta in faciem cæsus.

Hinc dolori tuo accessit clementissime Iesu, discipulorum scandalum, paternum cor tuum dolorosissime vulnerans, qui miserabiliter à te diffugerunt, inter ferocissimos hostes te solo derelicto, quorum vnus desperauit, alius ter te negans etiam abiurauit.

*Aduersus dissolutam animi lætiam, omnemq; inordinatam tristitiam, pro vera abnegatione, suisq; plena resignatione, Precatio III.*

**P**Er immensam & flagrantissimam illam tuam charitatem, qua cuncta hæc non solum libenter, sed & ardentè subiisti, obsecro te dulcissime Domine Iesu, primo, vt omnem internam & externam lætiam & ineprias, atq; dissolutam animi lætiam pariter & omnem quoq; inordinatam noxiam q; tristitiam à corde meo semper abesse, sanctam verò cordis compunctionem semper adesse facias: vt poenitentia & amoris lachrymæ nunquam à meo animo recedant, sed cor meum totum liquefaciant: vnde omnes vires tam animæ quam corporis in te solum effluant.

Dulcis



Dulcis Iesu, absorbeat me totum quæso iugis memoria passionis tuæ; absorbeat me totum ignea vis dilectionis tuæ, vt te solum cogitem, te solum concupiscam & sciam, ad te solum suspiram atq; anhelem, in te solo requiescam, & tibi tota voluntatis resignatione vniri desiderem.

Spiritu quoq; veritatis me semper illumina, ad efficaciter illa petenda coram te, quæ gratissimi tui sunt beneplaciti, & animæ meæ salutis. Et vt deiiceps in dies magis in vera mei ipsius abnegatione me ipsum in omnibus prorsus exire, & omni priuato amori emori discam & studeam, vt nullis vnquam hostium meorum illecebris ad ea quæ contra te sunt, perducatur: sed gratia tua omnes animæ & corporis vires fortiter alligare, & captiuare valeam in tui imitationem & æternum honorem; vt sic vnus in veritate tecum efficiar spiritus, siq; mihi tecum idem nolle & idem velle.

Respice igitur obsecro nunc clementissime Domine Iesu, miseram hanc & miserabilem meam captiuitatem, qua ligatus nimis teneor. En inter quot pericula versor, inter quot delicta constringor: quot vitijs & concupiscentijs seruiens miser fatigor: quanta peccandi consuetudine quasi captiuus teneor: quanta corruptione interioris hominis vt victus trahor. Respice qui soluis compeditos, & miserere, atq; verbi tui virtute omnes hostium meorum vires prosterne, libera me ab omni captiuitate peccati, & vinculis: mandatorum tuorum indissolubili nexu amoris me tibi constringe, vt nihil mihi in hoc mundo libeat, quàm beneplacito tuo semper obtemperare, & tibi inseparabiliter inhzere, Amen.

*Actio gratiarum pro Iesu furiosa ad Caypham ductione, vexationibus omnifarijs, damnatione, ad Pilatum tractione, accusationibus, ductione ad Herodem, illusionem, & ad Pilatum remissione.*

## CAPVT IV.

**D**ulcissime Iesu, recole in quantam ignominiam, abiectiōem & despectum de induxit & grauissima mea iniquitas, & tua immensa charitas. Siquidē inde actum est, vt pro me tu, cum tumultu furentium & armorum strepitu opprobriose, inter iniuriosa verba ac durissima verbera & tormenta ad Caypham ductus, à falsis testibus iniquè fueris accusatus, tumide interrogatus, irreuerenter adiuratus, pro sancta quoq; responsione blasphemix indecenter accusatus, ac tandem quasi mortis propterea reus iniuste damnatus: deinde alapis, pugnis & colaphis cæsus, vnguibus vellicatus, barba ac crinibus tractus, fœda abominabilis hostium immunditia conspuratus.

In quibus omnibus dulcissime Iesu, non solum cum voluntario & libenti, sed & cum ardentissimo salutis omnium nostrum desiderio, & mansuetissima humilitate dediisti genas tuas vellentibus, faciem tuam increpantibus ac conspuentibus, & totum corpus tuum percutientibus, donec neq; speciem, neq; decorem habens vt leprosus, vt percussus à Deo, vt deniq; nouissimus virorum omnium esses reputatus, atque cunctis iam in derisionem & opprobrium factus, tota nocte cadereris, velareris, subsannareris, illudereris.

Et mane factō, post iniquum eorum consilium, duris vinculis strictus, facie conspuratus, & totus deformatus, ductus es ad Pilatum: vbi à principibus, & populi senioribus inter cætera ipsorum efficta mendacia, seditionis etiam, atq; criminis læsæ maiestatis iniquè es accusatus. Porro cum Galilæus dicereris, à Pilato ad Herodem